

xcv

want he was onch beydede gods  
riech. der gienck zo Dylatum vñ  
hat yn dat he ym geess dat lichaem  
Ihesu vnd wand yn in eyn wijs  
lyuwart vnd lacht yn in eyn nu  
we. vyseghouwen graff da nye  
mant vor. in gelacht was wordē.

### Op dē vyllē dānerl dach die Epistel.

¶ Fratres Commemētibus vobis  
in vnum iam non est dñicam ce  
nam manducare. Ad corinth. xij.

**B**roeder So yr zosamen  
kompt in eyn yezoint ist  
niet dat heerlich anetmail  
zo essen. want eyn yecklicher nipt  
vur sich sijn auentmail zo essen.  
vnd etlich hungert. euer etlich is  
duncken. hait yr niet huysser in  
den yr esse vnd drinckē odir ver  
smeet yr die kirche gods. vnd schē  
der sy die niet hain. wat sold ich  
vch sagen ich loeff vch. euer in dē  
loue ich vch niet. want ich hain  
vntfangen van dem heeren. dat  
ich vch ouch gegene hain. want  
heer Ihesus in d nacht do he ver  
raden wart da nam he dat broit  
vnd lacht danck vnd brach it vñ  
sprach dat is mijn lichaem dat  
vur vch wirt gegene dat doit in  
mijnre gedechtenisse. zo ghelicher  
wijs nam he den kelck nae dem  
vnd he dat auent mail gessen hat  
also sprechende. Dit is der kelck  
des nuwen testamēts in mynem  
blode. Dat doit soe dieck als yr  
drinckē i mijnre gedechteniss wāt  
so dieck yr est die broit vnd den  
kelck drinckē. so verkindicht yr

den doid des heeren bis dat he  
kompt. vnd also wylcher yst dat  
broit odir drinckē den kelck des  
heere. Euer der mynsch versuych  
sich seluer vnd est also van dem  
broit vnd drinckē van dem klych.  
want wer da yst vnd drinckē vñ  
wirdichlichen der yst vñ drinckē  
ym seluer dat gericht. wāt he niet  
ordelt dat yt sy dat lichaem des  
heeren. Darumb vnder vch sijn  
vill spech vnd slaffen vill. Dat  
wir vns seluer ordelden. so würdē  
wir niet geordelt euer so wir geor  
delt werden van dem heeren. So  
werdē wir gestraift dat wir niet  
mit disser werlt werden verdoept.

### ¶ Euangelium

¶ Ante diem festū sciens Ihesus  
qr venit hora eius. Johā. viij.

**D**ach des passchens wist  
ihesus dat sijn vie was ko  
mē dat he gienck vns disser werlt  
zo dem vader. do he lyeff gehatt  
hat die syne die da waren in dee  
werlt bis an dat end had he sy  
lyeff. vnd do dat auentessen ghe  
schach. do der diuel yezoint hat  
inghesant in dat hertz dat he  
yn dair lycuerde iudas symons  
scariothis. vñ ihesus wist dat in  
der vader hat gegene all ding in  
die hend. vñ dat he van god was  
vysgegangen vnd zo god gienck  
do stond he vp van dem auent  
essen vñ lacht van ym sijn clych.  
vnd he nam eyn lynnē doich vñ  
gorde sich dair mit. dair nae lyes  
he wasser in eyn becken vnd hoeff  
an zo waschen die vnyss sijne iū

p liij.